

## Služba za investicije, plan i analizu

Broj: 13/1-23-36-499/18

Datum: 01.06.2018. god.

### POZIV ZA PRETKVALIFIKACIJU

Država: Bosna i Hercegovina

Naziv projekta: Razvoj infrastrukture za Općinu Stari Grad Sarajevo

Naziv Ugovora: Usluge nadzora nad radovima i usluga izrade energijskih certifikata na izgradnji, obnovi, završetku i opremanju objekata na području Općine Stari Grad Sarajevo.

Poziv br: BA/SG/NCB/1S/18

Bosna i Hercegovina/Općina Stari Grad Sarajevo (u daljem tekstu Zajmoprimac) je dobila od Saudijskog fonda za razvoj (u daljem tekstu Fond) odobrenje zajma za pomoć u finansiranju dijela projekta "Razvoj infrastrukture za Općinu Stari Grad Sarajevo" (u daljem tekstu Projekat). Svrha Fonda je pružanje pomoći pri razvoju gospodarstva odobravanjem kreditnih sredstava potrebnih za provedbu Projekta i programa razvoja. Odlukom Fonda br. 15/118/2251, Zajmoprimcu je odobren zajam prema uvjetima i odredbama sadržanim u Sporazumu. Proces nadmetanja biće vođen prema pravilima i procedurama Fonda, kao nacionalno konkurentsko nadmetanje kvalificiranih kompanija.

Općina Stari Grad Sarajevo (u daljem tekstu "Naručilac") ovim poziva zainteresirane kompanije da dostave svoje prijave za pretkvalifikaciju dole navedenih usluga:

Nadzor nad radovima i usluga izrade energijskih certifikata na izgradnji, obnovi, završetku i opremanju objekata na području Općine Stari Grad Sarajevo:

- Izgradnja i obnova sportske dvorane uz Osnovnu školu "Edhem Mulabdić";
- Obnova zgrade Općine Stari Grad Sarajevo i
- Završetak i opremanje Doma zdravlja "Stari Grad".

Usluge će uključivati nadzor nad sljedećim građevinskim radovima:

- Građevinsko-zanatski radovi,
- Vodovod i kanalizacija,
- Elektroinstalacije i
- Mašinske instalacije;

te izradu energijskih certifikata za sve objekte u okviru projekta „Razvoj infrastrukture za Općinu Stari Grad Sarajevo“.

Naručilac će gore navedenu uslugu dodijeliti u paketu prema planu nabavke.

Očekivani period usluga je mart 2019. godine do septembra 2021. godine uključujući Period odgovornosti za nedostatke po ugovorima za građevinske radove.

Naručilac poziva podobne konsultantske kompanije (u daljem tekstu Konsultanti) da iskažu interesovanje za pružanje usluga. Zainteresirani Konsultanti trebaju dostaviti podatke kojima dokazuju da posjeduju potrebne kvalifikacije i iskustvo za pružanje usluga:

- Registracija Konsultanta i korporativni kapaciteti i
- Dokumentovane referense općeg i specifičnog iskustva Konsultanta na sličnim poslovima.

Na osnovu dostavljenih informacija Naručilac će formirati uži izbor od šest (6) najbolje rangiranih kandidata po sljedećim kriterijima:

- Profil kompanije 20%

- Opće iskustvo 20%
- Prethodno iskustvo firme u specifičnom inženjerskom nadzoru projekata i izradi energijskih certifikata 50%
- Iskustvo u BiH/regiji 10%

Kako bi se utvrdile sposobnosti i iskustvo Konsultanata za uži izbor, dostavljene informacije trebaju uključivati sljedeće:

- Podatke o kompaniji: naziv, status, adresu, broj telefona, broj faksa, e-mail adresu, godinu osnivanja, kontak osobe zadužene za Projekat, revidirane bilanse stanja za posljednjih pet (5) godina koji moraju pokazivati stabilnost finansijske situacije aplikanta kao i dugoročnu profitabilnost, broj stalno zaposlenog osoblja i sporadično angažiranih sa njihovim područjima ekspertize.
- Podatke o iskustvu na sličnim poslovima vršenim u posljednjih pet (5) godina uključujući i vrijednost(i) i lokalitet(e) ugovora, broj zaposlenih uključenih u ugovor(e), naziv klijenta(ata), ime partnera zaduženog za provedbu ugovora, izvor(e) finansiranja, vrstu pruženih usluga, datum početka i završetka ugovora, kratak opis ugovora. Dokaz o gore navedenom mora biti praćen potpisanim referensama primaoca usluga.
- U slučaju podnošenja aplikacije od strane zajedničkog poduzetništva (JV), vodeći partner treba ispuniti najmanje 65% od svih kvalificiranih kriterija za finansijske i tehničke kapacitete dok drugi partneri trebaju ispuniti najmanje 35%. Zajedničko poduzetništvo (JV) kolektivno mora zadovoljiti kriterij za profesionalni kapacitet, za čiju svrhu će biti dodana relevantna vrijednost svakog partnera da bi se došlo do ukupnog kapaciteta konzorcija.

Zainteresirani aplikanti mogu dobiti više informacija od Općine Stari Grad Sarajevo na pisani upit putem e-maila: [investicije@starigrad.ba](mailto:investicije@starigrad.ba).

Prijave za pretkvalifikaciju moraju biti dostavljene na dole navedenu adresu do 02.07.2018.godine u 12:00 sati po lokalnom vremenu.

Adresa na koju se pozivate je:

Općina Stari Grad Sarajevo

ul. Zelenih beretki br. 4

Tel: 033/282-417

Fax: 033/282-429

E-mail: [investicije@starigrad.ba](mailto:investicije@starigrad.ba)

Kompletan tekst poziva možete pogledati na službenoj internet stranici Općine Stari Grad Sarajevo – [www.starigrad.ba](http://www.starigrad.ba).

Služba za investicije, plan i analizu  
Općine Stari Grad Sarajevo